



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Conciliorvm Omnivm Generalivm Et Provincialivm Collectio Regia**

Ab anno MDLX. ad annum MDCXXIII.

**Parisiis, 1644**

Oratio Caroli Cardinalis Tituli Sanctæ Praxedis, Archiepiscopi  
Mediolanensis.

**urn:nbn:de:hbz:466:1-15522**

GREGORIVS P. XIII. MEDIOLAN. IV. MAXIMILIANVS II. IMP. 255

ANNO CHRISTI 1576.  
Sciant præterea vniuersi & singuli prouinciarum nostrarum Christi fideles, conciliarem hanc actionem, a nobis inditam, præcipuum quoddam caritatis & pietatis studium ab iis ipsis postulare; cum illa omnis eo spectet, ut per nos illorum gressus dirigantur in viam salutis. Quare paterna cohortatione eos vehementer in Domino admonemus, ut & sua & nostra causa, orationis, precumque studium, una nobiscum adhibeant: dieque dominico, Concilium id prouinciale proxime præcedente, qui dies sextus Maii erit, primum vere pœnitentes & confessi, sacram communio-nem sumant, hoc pie precantes, ut adiutrice Dei gratia nos ea, quæ ad nostram, suamque salutem pertinent, diligenter sanctaque sollicitudine agamus. In quarum rerum fidem, hoc edictum confici, auctoritateque nostra imprimi, & sancti Ambrosii sigillo archiepiscopali nostro muniri, tum nostra etiam manu signatum, in vulgus publice proponi, eidemque a synodali secretario nostro subscribi voluimus. Datum Mediolani, in ædibus nostris archiepiscopalibus, Kalendis Martii 1576.

ORATIO CAROLI CARDINALIS  
TITVL I SANCTÆ PRAXEDIS,  
ARCHIEPISCOPI MEDIO LANENSIS.

*Habita in prouinciali Concilio IV.*

QVOVSQVE tandem Concilia prouincialia toties con-  
vocata? quorsum & tot constitutiones & tot decre-  
torum vincula? Vulgaris vox, patres sanctissimi, ac sicut  
ne tacita quidem cogitatione religiosæ mentis digna, lon-  
geque a sensu episcopaloris vestri animi aliena, ita hominum  
vel impiorum est, ecclesiam Dei oppugnantium, vel Chri-  
stianorum, Christianam disciplinam abhorrentium, vel  
imperitorum, planeque nescientium, quantas vires habeat  
frequens Synodorum actio, atque usus, vel illorum sane,  
qui angusto paruoque animo omnia metiuntur. Porro no-  
bis, patres, est illud certum atque exploratum, hominem  
diuina lege, quasi sepimento vallatum, vt estis tum summa  
naturæ imbecillitate, tum immensa cupiditate, saepe labi,  
saeppe ab officiis semita deflectere; proinde plurimis &  
Conciliis & institutis & decretis opus esse; quibus, quasi

sanctissimis vinculis, ille adstrictus, a recto cursu non declinet: aut aliquando digressus, iisdem adiutus in viam salutis redeat. Et quod caput est, vt salutaris huius Conciliorum instituti auctor est celestis magister Christus Dominus; sic apostoli eo saepissime vsi, lege etiam sanxerunt, vt bis in annos singulos Concilia ab episcopis haberentur. Quod deinceps & innumerabilibus summorum pontificum sanctionibus, & Conciliorum tum oecumenicorum, tum prouincialium decretis communitum, & frequenti ecclesiæ vsu consuetudineque diu retentum, eiusmodi fuit; quo aditus patefactus est, non modo ad tradendum, verum etiam ad perpetuo colendam, perpetuisque progressionibus augendam omnem ecclesiasticæ disciplinæ rationem. At vero, vbi id aliquando intermissum, aut plane omisum est, vix dici potest, quot, quamque graues calamitates reipublicæ Christianæ importatae sint. Prope perierat Christianæ vitæ institutio, conciderat pene rerum salutarium vsus; nulla fere cleri disciplina, quasique nullum populi in caritatis officiis studium; prolapsus denique miserabilem in modum erat totus ille, ab euangelii luce dimanans, Christianarum virtutum ornatus. Quid? ii, qui alios in officio continere debebant, maxime ipse a muneris debiti cura deflexerant. Atqui hac vel vna solum recordatio satis nos commonet, atque adeo commouet, vt in tuendo synodalium, episcopaliumque Conuentuum vsu, tantum pietatis, constantisque diligentia ponamus, quantum sane voluntatis & consilii, ad prodendum posteris optimum institutum, sanctissimi illi viri adhibuerunt. Sacra præterea oecumenica Tridentina Synodus, salutare illud institutum salutariter ita renouauit, vt si minus bis, aut semel saltem singulis annis, quemadmodum illi censuerunt, at certe tertio quoque anno prouinciales Synodos & conuocari & celebrari decreuerit. Id sane vero nos bene iuuante Deo, cum semel, iterum, ac tertio executi simus, est etiam cur idem perpetuo præstemus. Multa, patres, nostris superioribus Conciliis defuncti, ad perfectam illam, quam magnopere expetere debemus, populi Christiani disciplinam: alia item in eisdem decreta sunt, quæ communiri oportet: alioquin operis, anobis inchoati, iacta fundamenta, breui corruerent: alia item abhinc triennio

ANNO  
CHRISTI  
1576.

ANNO CHRISTI 1576.  
nio suborta esse possunt corruptelarum semina quæ nostra cultura conuellenda sunt, tum vitiorum spinæ succrescentes amputandæ. Hæc tria proposita quidem nobis esse debent: sed illud etiam profecto est, ad quod cum semper, tum maxime in hac quarta prouinciali Synodo, omnes cogitationes, consilia, studia, conatusque nostros dirigi admodum cupimus, & a vobis, totis in Christo visceribus expertimus; vt decretis iam sancitis, quæ adhuc executionis operam a nobis postulant, omnino exequendis, certam explicatamq; rationem ineamus. Quare cum Tridentinas sanctiones, tum superiorum Conciliorū constitutiones in spectu, tamquam in speculo quodam habentes, diligenter videamus, quæ in executionismunere officia nostra prætermissa, quæ ita non præstata sint, vt sane debebamus pro gloria Dei, proque populi nobis commissi salute; iam modo est, patres, vt hoc ipso loco, tamquam in augustissimo theatro, speiemus illius muneris nostri partes, quas clero, quas populo, quas ecclesiis fidei nostræ commissis religiosa solicitude debemus. Hoc auté cum semper nobis ob oculos versari debet, tum certa illa, in nostris & cleri & populi moribus sancte conformandis deliberatio, quam salutaris Cōciliorum actio deposita, perpetuo a nobis afferenda est; maximeque hoc ipso tempore, tempore autem iubilei, acceptabili, & hac die salutis, quam fecit Dominus. Iam populi cælesti eo dono excitati in officiis atque exercitationibus pietatis religiosius versantur, certatimq; Christianis virtutibus operam dant: quinimo, qui in inueterata quadam peccandi consuetudine obduruerāt, suscepta aliqua vita emendatione, animum pene in male agendo obfirmatum ad Christianarū virtutum studium flexerunt. Ergo quid nobis qui populorum patres, qui medici animarum saluti prospicere debemus, in hac ardentissima piaq; omnium voluntate agendum erit? an non in omnes episcopalis officii partes nos excitabimus? an diligentiam nostram acuemus? an in spiritualis vita disciplina in dies augenda inuigilabimus? certe quidem. Hoc ipsum sane non modo postulare, sed flagitate videtur expectatio populorum, qui in fide, curaque nostra conquiescentes, ex nostris his episcopalibus conuentibus salutare adiumentum se consecuturos esse sperant, & confidunt quidem certe. quideorum preces? quid oratio?

Concil. Tom. 36.

K k

quid frequentior concursus loquitur? quæ mens? qui sensus?  
quæ cogitatio illorum? Hic, patres, sanctissimi, ante oculos  
ponite ingentem huius prouinciae hominum multitudinem,  
sua salutis studio flagrantem, nostrisque monitis vehemen-  
tius excitatam, tum superioribus diebus, tum hoc potissi-  
mum tempore, quo in hac salutari conciliarium rerum tra-  
etatione nos causa sua versamur, vbiique & in urbibus & in  
opidis & in ipsis vicis frequentissimam, pietatis exercitatio-  
nibus deditam. Videte sacerdotes pro nobis ad altaria sup-  
plices: videte vniuersum pene populum pie deprecantem:  
videte virgines & viduas demisse ac religiose orantes: vi-  
dete innumerabiles homines sacram communionem su-  
mentes, & alios profusis lacrymis, pio gemitu, iteratisque  
vocibus Dei misericordiam, sanctorumque patrocinia im-  
plorantes. Considerate animo hanc vnam omnium obser-  
cationem atque orationem summa tacita mentis conten-  
tionem ad cælos usque emissam. Quousque tandem, Pater cæ-  
lestis, parturimus, neque adhuc tamen parimus? cogitata  
optima concipimus, at factis non exprimimus? Tu, Domi-  
ne, ad recte agendum nos vocas atque excitas; at languesci-  
mus: præclare aliquando inchoamus; at non perficimus:  
cælestes illas coronas, gloriarnque sempiternam expetimus;  
at labores crucemque refugimus. Quo tandem tempore se-  
rio agemus? quando vere adiuti, cursum vitæ recte tenebi-  
mus? Respice, summe Pater, nos oues pascuæ tuæ, non auro,  
& argento, sed precioso sanguine Filii tui redemptas. Tunos  
tamquam preciosum depositum horum curæ fideiq; com-  
misisti, tu hos nobis duces, magistros, medicos, pastores, pa-  
tres constituisti; ac proinde illis, eorumq; dictis audientes  
nos esse iussisti: tu rursus illos, vtpote de animabus nostris  
rationem aliquando reddituros, pro nobis inuigilare volui-  
sti: da quæsumus illis, iam causa nostra in Concilio congres-  
sis, de salute nostra sollicitis, remque nostram agentibus, ut  
vnum spectent; non sua, sed quæ Iesu Christi sunt, querant;  
ac sua & nostræ saluti seruant: præfer lumen mentibus eo-  
rum, ac dirige voluntates & ad salutaria consilia suscipien-  
da, & ad dandam nobis plebi tuae scientiam salutis, & ad di-  
rigendos pedes nostros in viam pacis. Sicque illi sancte a-  
gendo, & nos eisdem obediendo, omnes ad cælestē patriam,  
ad quam vocati sumus, adiutrice tua gratia perueniamus.

ANNO  
CHRISTI  
1576. Hæc patres, populi, fidei nostræ commissi, a Deo supplices petunt: hæc eadem rursus nobis proponamus, hæc assidua paternaque solicitudine meditemur atque procuremus. Hæ sunt animæ, quarum salutem Deus vt procuraret, non angelum, non archangelum, sed vnicum Filium Christum Iesum misit: qui hinc in cælum abiens, quamdiligentissime earum curam beato Petro commendauit his tertio repetitis verbis: *Simon Ioannis, diligis me plus his? pascœ oues meas.* *Ioan. 21.* Qua verborum formula etiam vnicuique nostrum, qui in sollicitudinis partem vocati sumus, optimam pascendi rationem præscripsit, & caritatem maxime, muneris nostri magistram, docuit: quam populis, in curam nostram traditis, & frequenti verbi Dei prædicatione, & salutari sacramentorum administratione, & vitæ sanctissimæ exemplis, & episcopali eleemosynarum liberalitate, & sollicitate oratione, & Missæ sacri crebra oblatione, & diuinorum officiorum cultu, & precibus assiduis, & paternis monitis, & pastoralibus correctionibus, & conciliaribus sanctionibus, & omni denique officio curaque perenni, per nos præstari voluit. Videte igitur, patres, curam, sollicitudinem, & vigiliam nostram, quæ in grege tanta adhibenda est, quantum sane maximam caritatem Christo deberi omnes profitemur. Sed *diligis me?* inquit, *pascœ oues meas.* Hoc sane illustrius veræ erga illum dilectionis testimonium datur, quo maius in omni gregis pascendi ratione studium operaque collocatur. Certe si Christum, vt debemus, diligimus, si Christi gloriæ seruimus, si Christi regni propagationem cupimus, si Christo gratificari volumus, id præstantissima erga gregem nobis commissum caritate, non declarare solum, sed factis comprobare nos oportet. Id sane præstabimus, patres, si non laboribus deterriti, non difficultatibus labefactati, non satanæ aduersarii colluctatione fracti, ab instituti operis cursu nunquam desistemus: sed diuini amoris igne accensi, omni virtutum episcopalium studio, eo cum semper, tum in conciliaribus actionibus progredi contendemus, vt populum nobis commissum & purgemus & illustremus & perficiamus; hisque perpetuis progressiōnum laboribus introducamus in tabernacula cælestia: idque munere & gratia Christi Domini, cui gloria sempiternis ætatum sæculis. Amen.

Concil. Tom. 36.

Kk ij

IN NOME  
SANCTÆ ET INDIVIDVÆ TRINITATIS,  
PATRIS, ET FILII, ET SPIRITVS SANCTI.

ANNO  
CHRISTI  
1576.

Nos Carolus Borromæus sanctæ Romanæ ecclesiæ tituli  
sanctæ Praxedis presbyter cardinalis, Dei & apostolicæ sedis gra-  
tia archiepiscopus Mediolani, ad Dei omnipotentis, beatæque  
Mariæ semper virginis, ac sancti Ambrosii confessoris, patroni  
nostrri, laudem & hæc pro Christianæ morum disciplinæ conforma-  
tione, qua clerus populumque fidei nostræ concreditum prælucere,  
totis in Christo visceribus expetimus, de consilio & assensu reue-  
rendissimorum dominorum coepiscoporum nostrorum, in Concilio pro-  
vinciali Mediolanensi quarto decernimus, statuimus, ac sancimus.

CONSTITUTIONVM PARS PRIMA.

*De professione fidei.*

Q uod ex Pii IV. pontificis maximi sanctione, in pri-  
mo & tertio Concilio provinciali nostro, de iis, qui  
fidei professionem facere debent, deque illorum ipsorum  
vita & moribus ante inquirendis & probandis, decretum  
est: id episcopus omnino efficiat ut praestetur: tum com-  
pellat præterea ad idem omnes ac singulos, sicut etiam a  
sancta sede apostolica declaratum est, quicumque arith-  
meticam & musicam, vel artes cuiusvis generis liberales  
profitentur.

Formula vero, ad cuius præscriptum fidei professionem  
praestari oportet, pontificalia illa sanctione conceptis verbis  
tradita, hæc sane est;

Ego N. firma fide credo & profiteor omnia & singula,  
qua continentur in symbolo fidei, quo sancta Romana ec-  
clesia vtitur, videlicet, Credo in vnum Deum Patrem om-  
nipotentem, factorem cœli & terræ, visibilium omnium &  
inuisibilium; & in vnum Dominum Iesum Christum, Fi-  
lium Dei vnigenitum, & ex Patre natum ante omnia sœcu-  
la, Deum de Deo, lumen de lumine, Deum verum de Deo  
vero; genitum, non factum, consubstantiale Patri, per  
quem omnia facta sunt; qui propter nos homines & pro-  
pter nostram salutem descendit de cœlis & incarnatus est